

四庫全書

史部

欽定四庫全書

史部

山西通志卷九

十九

詳校官監察御史_臣查善長

檢討_臣德生覆勘

總校官進士_臣朱鈐

校對官編修_臣勵守謙

謄錄監生_臣李元位

欽定四庫全書

山西通志卷九

關隘一

周官書夏官之職有司險焉掌九州之圖以知其山林川澤之阻而達道路山林之阻則開鑿之川澤之阻則橋梁之而其阨塞之宜阻者率無得通謂之司險管子凡兵主必先審知地圖侵軼之險濫車之水名山通谷經川陵陸丘阜之所在宜草木蒲葦之

所茂道里之遠近城郭之大小名邑廢城困殲之地
地形出入相錯之所然後舉指不失明丘濬大學衍
義補月令孟冬之月命百官固封疆備邊境完要塞
謹關梁塞蹊徑實專為邊境言焉夫封疆之固邊境
之備於要塞也則完之以扼其要衝於關梁也則謹
之以限其出入然非但於人馬可行之地而致其備
於凡鳥獸往來之徑僅可容足者亦無不致其謹焉
此胥固圉之要畫而山西關隘視九州尤重蓋所以

東翼

神京西壯關中而南屏蔽齊豫匪止繫於三晉也志關

隘

太原府

陽曲縣

天門關西北六十里乾燭谷路通舊嵐管州宋設戍兵

金置酒官後廢明置巡檢司其東北崖隋煬帝為晉

王時開名揚廣道

縣志隋魯王
聞廣所建誤

靜樂縣舊設娑婆隘

巡檢司弘治十年改天門關屬陽曲縣 天門凌井

一道相連互為首尾山之東盡為天門去城可五十里山之西盡為凌井可八十里山勢崢嶸路一髮兩崖山骨輪困旁有深溝稍上有石梯層齒積鱗可二丈許 關有全民堡周約八十五丈高一丈五尺厚一丈六尺明崇禎末巡撫陳純德建 又有西山

石寨 魏安同欲修大嶺道以通天門關 唐地理

志陽曲有赤塘關天門關

赤塘關今在忻州西南五十里

金史地

理志陽曲鎮五陽曲百井

今栢井鋪

赤塘關天門關凌井

驛折可求統麟府師二萬自府州涉河由岢嵐憲

州將出天門關以援太原金人據關不克進後越山

取松子嶺道出至交城遇宗翰之衆大戰移時可求

遠來新至勞逸有間故敗績

韓邦奇傳報大舉疏

行委指揮等前去鎮西衛代州天門關等處防守

靳學曾關山賦嘗經之馬鹿徑天門皆奇絕峻危之

極

石嶺關東北一百里忻州南四十里乃并代雲朔要衝之路舊有戍兵金置酒官後廢置巡檢司明萬厯二十一年巡撫魏允貞以關歲久傾頽修築砌石李光輝石嶺關碑去城東北一百二十里而近曰石嶺關時太原守趙議曰石嶺涸泉而環關皆山因石於山因灰於石其石城便中丞魏公採用之關之址延袤二百丈有奇城堞高二丈有七尺長廣崇厚視舊增三之一城門二帽樓其上角廬四公署一區徙太

原銳卒二百人往戍簡將統之 唐武德初并州大

總管長史竇靜請斷石嶺以為障塞便於固守 唐

武德八年命張瑾兵屯石嶺未至屯頡利兵已踰石

嶺圍并州轉擾潞沁李靖以兵出潞州道行軍總管

任環屯太行瑾戰太谷敗績 唐長壽三年默啜攻

石嶺圍并州復入忻代都知兵馬使渾瑊自石嶺關

南督諸軍犄角寇引去 唐中和元年十一月李克

用將道太原節度使鄭從讜塞石嶺關 中和二年

李克用率蕃漢萬人出石嶺關過太原 後唐清泰
中詔應州修茹越口忻州埋石嶺關左右道 宋太
祖征太原契丹遣兵來援安守正接戰於石嶺關大
敗之斬首萬級獲其將時宋師之陷敵者數百人守
正以騎軍馳之盡奪以還 開寶二年親征晉陽三
月遼師來援關南兵馬都監何繼筠時屯兵陽曲縣
驛召至行在所授以方略命將精騎數千赴石嶺關
拒遼師謂之曰翌日亭午俟卿來奏捷也至期上御

北臺以俟見一騎自北來急遣逆問之乃繼筠子承
睿來獻捷生擒刺史二人獲生口百餘斬首千餘級
馬七百餘匹器甲甚衆初并人恃遼為聲援及奏捷
命以所獲首級鎧甲示城下并人喪氣繼筠以功拜
建武軍節度使三年郭進田欽祚戍三交張思均
從戰於石嶺關斬首萬五千餘級閭門祇候齊延深
苗日永陷軍中思均鼓勁騎突入奪還太平興國
四年正月命雲州觀察使郭進為太原石嶺關都部

署以斷燕薊援師三月進破北漢西龍門砦又大破契丹於關南 太宗征太原以王侁護陽曲塌地石嶺關諸屯 金托克索在宗翰軍以八穆昆攻石嶺關屯兵數萬殺戮幾盡 元至正二十年八月命博囉特穆爾守石嶺關以北察罕特穆爾守石嶺關以南 九月博囉調兵自石嶺關直抵冀寧圍其城三日復退屯交城察罕調參政閻奉先引兵與戰已而各於石嶺關南北禦 二十三年十月博囉遣兵攻

冀寧至石嶺關庫庫特穆爾天破走之擒其將烏瑪
喇殷興祖博囉軍由是不振 金崞縣游完平治道
塗二百五十里北自太和嶺南至石嶺關

陽曲灣北三十里 魏土地記太原界置陽曲護軍

凌井口西北一百一十里西小店靜樂縣界 西小店

堡 凌井村寨 安民堡西北八十里凌井驛周四

十四丈高二丈二尺厚一丈六尺 凌井口即晉王

嶺唐中和二年五月沙陀戰於晉王嶺陷陽曲榆次

而退

掃峪村石寨西北九十里凌井口天門關之險要也

紅土橋東北八十里孟縣壽陽要道土焦鹵不宜水民
難卜居二十里無村聚 生民堡東北八十里紅土
橋周二十四丈高二丈二尺厚少減明末巡撫陳純
德建

栢井成晉驛堡東北七十里 唐大歷中回紇入寇節
度使鮑防遣天將焦伯瑜等擊之牙將李自良曰寇

遠來難與爭鋒請築二壘楹歸路堅壁勿出求戰不
許師老而惰其勢易乘防不聽伯瑜戰百井大敗自
良由是知名 開寶二年田紹斌從何繼筠扼遼師
於北百井奪其鼓幟而還

賈莊寨東北一百七十里孟縣界 蘭伏村在交城縣
界叢山中 向陽鎮北三十里 黃頭寨北六十里
蔡家寨

汾河渡在城西南路通太原縣

凡各州縣堡寨鋪鎮及臨河渡口非甚險要而亦足以資防守者俱總列於後備參焉

太原縣

風谷山西一十里高七十八丈盤踞二十里有奇北至孔道西隸交城縣入樓煩道乃唐北都西門之驛也後唐申王李存渥與劉皇后奔太原行至風谷為部下所殺

蒙山西北一十里高一百四十丈有奇盤踞三十里

劉曜及代將賓六須戰於汾東曜兵敗渡汾踰蒙山遁走蘇禹珪重修蒙山開化莊嚴閣記峪通馬首

地管羊腸

晉祠鎮西十里 晉祠堡高一丈七尺周三百丈 宋

太平興國四年曹翰從征太原軍中乏水城西十餘里谷中有娘子廟翰往禱之穿渠得水人馬以給

國朝順治六年五月姜建勲圍太原城 王師自大同府南援蓐食而行遇賊于赤橋花塔間大戰賊敗退

保晉祠堡圍之賊潰堡出還汾州 金鎮二晉寧晉

祠 朱彝尊記自智伯決此水以灌晉陽而宋太祖

太宗卒用其法定北漢蓋汾水勢與太原平而晉水
高出汾水之上決汾之水不足以拔城惟合二水而
後城可灌也

東莊水堡晉水下流環堡胥水牆高二丈三尺砌以甃
石周二里濠內外二道胥廣一丈五尺密植柳樹四
周水田胥三四里沮洳不能馳馬號為險固

小店鎮東十五里 小店堡高二丈八尺周四百丈北
至大馬村十五里大馬村至陽曲老軍營墩汎十里
南至流澗村十五里又南至北格鎮十里又南至徐
溝同戈村墩汎十里東北至紅寺村七里又東北至
陽曲親賢村墩汎十里東至鄭村十五里又東至榆
次甄井村墩汎五里乃太原四達道也

北堰寨在西山懸崖絕壁高數十丈 義井堡在西北
南堰堡在西北義井南 董茹堡在西北南堰南

西寨堡在縣北汾河西 王郭村堡在南少西東

莊堡東 姚邵堡在王郭村堡南 孫家寨堡在汾

河東 故驛堡在棗園堡南 南格堡在東南 辛

村堡在東南 西賈堡在東榆次界 賈家寨堡

張花堡 棗園頭堡在晉祠堡南 鞏家堡在東

鄭村堡在東 嘉節堡在縣東北汾河東 許東堡

在東北胥嘉靖十九年築

汾河渡

南屯渡

往陽曲縣

小店鎮

往榆次縣

東草塞渡

往徐溝縣

榆次縣

鷹山東南八十里峰陡似鷹小涂水出焉東南對八縛
嶺為八縛前勁

盤腸嶺東南五十里危峻多巨木其勢盤曲如腸為八
縛嶺鷹山前勁

榆城坂東南三十里壁立數十仞旁徑險仄商旅多輪
摧蹄蹶又盤腸嶺之前勁也上有土寨下有懸壺

卧虎山罕山南積石巉巖狀若虎伏 縣志卧虎盤腸

之嶺拱峙而雄鎮嵯峨

三岔口東北四十里東北至壽陽要樂山三十五里西至鳴謙驛二十里南至王胡鎮三十里為四達之道
什貼鎮東北五十五里壽陽界壽陽山道又為井陘驛道

霍城鋪

一作斛城

東南九十六里至和順縣八賦嶺十三里

東陽鋪南三十里太谷縣界

聖賢寨在甄井後

谷頭寨北十五里

麓臺寨即溝

為塹旁有曲徑可通中平行 楊壁寨中平四面深

溝 訓谷寨東北二十里形險天成 王胡里東懸

窰東有溝深四十丈 鳴謙驛城北二十里圍三里

懷仁堡西南十五里 馬村堡西南二十里 長

壽堡南十八里 東陽堡南三十里 張慶堡西南

二十里 使趙堡西北八里 使趙北堡南堡稍北

永康堡南三十里 開白堡南二十里 陳胡堡

南二十里 胡喬堡西南三十里 楊盤堡西北十

五里 源渦堡東八里 東郝堡東南十里 甌井
堡西北二十里

太谷縣

馬陵關東南七十里馬嶺上榆社縣西北九十里路通
直隸順德府 馬嶺萬山亂出一水旁流徑轉羊腸
坡躋石磴松檜挿天溪澗湍險隆冬雪封衆壑春夏
有千歲不消之冰 龐涓墓在馬陵關半山中舊傳
龐涓夜見木下白書處

回馬谷東南三十里袤四十里馬陵關在谷中通古邢
州路有水合咸陽谷水南一十五里西注於汾五代
時梁伐太原刺史張歸厚軍自馬陵關入即此金
圍太原薩里圖敗宋軍於回馬谷

長城東南八十里馬嶺上唐地理志嶺上有城其城
自平城至魯口沿山屈曲延袤三百里故名長城唐
武德二年築貞觀元年廢今屬榆社縣宋初李繼
勳下遼州戰帶甲祠斬首萬餘級追奔至長城擒其

將莫鮑叔掠人騎二百餘

四卦谷東南二十五里袤二十里谷中有泉分流四派
奄谷東南一十五里袤四十里東崖石壁名千佛崖谷
中有水流合象谷水

咸陽谷南一十五里袤一十里山上有源泉流出谷名
咸陽水西合回馬水 城壕記秦伐趙築城近谷口
以咸陽兵戍之故名

白壁嶺南七十里地形志陽邑有白壁嶺樊陽水八表

山徐水

象谷東北五十二里廣三百步袤四十六里谷中有水
即象谷河

蔣谷在象谷旁 土地記晉陽東南一百一十里至山
有蔣谷大道度軒車嶺通於武鄉谷有水曰蔣谿西
北流西逕箕城北又西合涂水亂流西北入洞渦澤
小常鋪東北二十里榆次界

上善堡 太白堡 陽邑堡 白城堡 敦坊堡 惠

安堡 洸村堡 桃園堡 辛村堡 西薄堡 張

村堡 韓村堡 回馬一堡 任村堡 侯城一堡

登豐堡 董村堡 小常一堡 圍場堡 東里

堡 梁平堡 庵谷寨 牛許寨 閭村寨 東賈

二寨 朝陽寨 杏林寨 四稜寨 范村南寨

范村北寨 盤道寨 黑山寨 彭溫莊寨 王弓

村寨 東咸陽寨 白村堡 小常堡 胡村堡

四卦堡 郭村堡 石象堡

祁縣

龍舟峪關東南九十里南通沁州北通徐溝兩壁皆山
道傍有胡甲水置巡檢司 龍舟峪巡檢司舊在北
關鎮今裁

北關鎮東南九十里相傳宋太祖取河東克金鎖關即
此

來遠鎮在盤陀東南去縣七十里 來遠寨來遠鎮東
山巔圍三百二十步高六丈四面臨溝上石牆五尺

盤陀鎮子洪鎮東南去縣五十里 宋太祖由盤陀取

太原

子洪鎮東南三十里南倚雙泉山山有雙泉 安寨雙

泉山嶺圍二百六步西面牆高二丈壕深闊各一丈

東南北三面牆高一丈九尺臨溝門一座

團栢鎮東南六十里白圭鎮東南接太谷南接武鄉

金鎮一團栢 白圭 團栢 魯村 三家村 盤

陀

團栢

團栢谷
常在此

來遠

北關

以上八鋪在祁縣

東路北抵太谷縣界南抵武鄉縣界 後唐趙德鈞
由土門口入欲併潞州兵乃趨潞州子延壽以兵屬
焉德鈞屯團栢谷口不進廢帝使自飛狐出擊契丹
後德鈞南出吳兒即吾兒峪會延壽於西唐廢帝幸懷州
遣北面行營馬軍都指揮使康思立將從駕騎兵出
團栢救張敬達未至而敬達死

隆舟城東南三十里團栢鎮東

北漢廣運二年七月築隆舟城於祁縣東三十

里備宋師祁縣東三十里有隆舟故城劉繼元築以
非同成河東記太平興國四年春王師築嵐州次于

隆舟其說差異

宋太平興國初徐興從潘美屯團栢谷奮與

賊鬪生擒偽兵馬都監李美四年乙丑克隆州獲其

招討使李詢等六人五月丁酉廢隆州隳其城靖

康元年二月甲寅尼瑪哈攻太原不克分兵過南北關

權威勝軍李直以城降乙卯陷隆德府

隆舟谷古稱險要地合武

鄉山川觀之乃得其全

胡甲水源出武鄉縣胡甲山之北流經龍舟谷

龍舟一作隆舟

名龍舟水會合諸泉折而西流經縣北又西經平遙

界入汾名昌源河下流多沙土俗呼沙河 宋制置
使姚古率兵至隆州谷托克索與巴爾斯以步騎萬
餘禦之 隆舟谷一名隆州谷金沃楞和寧既敗种
師中進攻宋制置使姚古軍於隆州谷大敗之 金
興定四年嵐州觀察使瓜爾佳實倫言北兵攻平陽
將及潞州還當由龍州谷以入太原請兵扼其歸路
金元光初義勝軍節度使禹顯扼龍猪谷 即龍州谷 破
元軍擒元帥韓光國追至祁縣而還

賈令鎮堡北十五里以周賈辛為大夫名圍八百步門
三座壕一道深一丈闊二丈

白圭鎮堡東北三十里圍四百一十步高二丈五尺門
二座壕一道深二丈闊二丈

新韓鎮在縣北冲天墩五

界牌頭南二十里平遙界

南谷豐堡西北二里高村堡東北七里西六支堡東北
一十里武鄉堡東二十里溫曲堡東南十里

谷戀堡東北十八里 王村堡東北七里 小韓村

堡 胡帳都堡 小義村堡 砲守堡 東六支堡

各高三丈圍十五丈

徐溝縣

同戈驛城外北關西偏 日知錄太原府徐溝縣有同

戈驛其名本取洞渦水此水出樂平縣西四十里陡

泉嶺經平定壽陽榆次至徐溝縣入汾今徐溝縣北

五里洞渦河其陽有洞渦村是也水經洞渦水出沾

縣北山西過榆次縣南又西到晉陽縣南西入於汾

鄺道元注劉琨之為并州也劉淵合兵邀擊之合戰

於洞渦即是水也舊唐書昭宗紀天復元年四月氏

叔琮營於洞渦澤

五代史唐本紀同

新唐書地理志太原郡

有府十八其一名曰洞渦宋史曹彬傳為前軍都監

戰洞渦河北漢世家李繼勲敗繼恩兵於洞渦河

惟魏

書地形志晉陽下云同過水出木瓜嶺一出沾嶺一

出大康山一出原過祠下水皆合道故曰同過西南

入汾後人減筆借書同

按徐溝無險隘而峻峪金水

戈今鑄印遂作同戈

洞渦三河時漲洞渦尤源遠勢猛故唐宋行師多營於洞渦

徐川鎮即今扎關土堡 戰壕東北有第一陣第二陣第三陣之名 集義村唐李光弼守太原村民舉義兵應之因號集義 同戈村唐高父子同日荷戈之說甚支當繇洞渦訛字耳

清源縣

仁山西北十里高七百五十步盤踞三百二十步北至

太原縣洞兒溝山界三里

方山西南二十五里高七百九十步盤踞四百步西至
交城縣壺屏石山界四里

白石山西五里高七百六十步白石溝袤二十里有水
繇峪中出

故驛鎮北十里堯城鎮東南三十里高白鎮西南
二十里

汾河渡米陽渡東五里汾水南流闊八十步路通徐

溝縣 孔村 青堆 閭杜

交城縣

故交村東北九十里 故交巡檢司在故交村康熙四
十年添設 古交城在縣東北九十里河北都故交
村 趙吉士議東北與靜樂陽曲界其山若神師羊
腸交山皆絕險而河北古交村當其輿左汾右孔二
河夾之

東葫蘆 西葫蘆西北一百四十里榆城北 趙吉士

議西北與臨嵐永寧界其山若孝文呂梁劉王崕皆絕險而東西兩葫蘆承其衝右西峪左渾峪二水夾之西峪渾峪二水至榆城而合

靖安堡西北一百四十里中西都寨子村明崇禎三年建營於堡設守備一員兵五百名以鎮西北兩山十一年築堡周圍一百二十丈門前後二趙吉士議交城營移汎靖安古堡乘高列哨則東西兩葫蘆可控制也

岔口村北一百一十里北至靜樂天成川四十里明天
啟間建營房於孔河都岔口諸村防兵二百守備統
之

盧峪口東北七十里唐嘗立盧川縣

中園村西北八十里永寧州劉王嶂村界

逢家嶺西北二山適中之地

河北都故交村水泉寨 孔河都開頭村龍頭寨 水

東都西冶村盧頭寨 中西都梁家岔拔水寨 西

南都橫嶺村三山寨 洪安都北二十里石壁寨

西南都西社近村三層寨脊高百餘丈四周石崖止

有獨行小徑小門 羊腸寨在縣東北一百二十里

羊腸山 龍鬚寨在縣西北一百二十里龍鬚山巔

文水縣

隱堂山西南二十五里汾州界一名子夏山山壑峭立

有泉山東又有馬跑泉西數里有石門 宋靖康元

年七月庚子河東察訪使張灝與金人戰於文水敗

績茂申都統制張思正等夜襲金羅索軍於文水縣
敗之己酉復戰師潰死者數萬人思正奔汾州都統
制折可求師潰於子夏山威勝隆德汾晉澤絳民皆
渡河南奔

開柵堡北二十里開東西都堡周四里高一丈八尺據
文峪口兩峯相去丈餘殊號險固今為文峪河侵僅
存其半 圖經魏武帝築當文峪口今開柵城是唐
地理志西北二十里有柵城渠 開柵即宋西都谷

也金圍太原都監馬五破宋兵於文水節度使耿守
忠等敗宋黃迪兵於西都谷 宋將黃迪等以兵三
十萬柵於縣之西山突合速與耿守忠合兵九千擊
之殺八萬餘人獲馬及資糧甚衆

孝義鎮 小城南 開柵鎮 石侯村 原東村 大

象村 韓武西都 石家莊 下曲鎮 北胡家堡

奇嵐州

天澗堡隘俗名暗門子在城北五里兩山之間路通寧

武府明嘉靖四十年兵備道王遴修建臺垣今廢

奇嵐城在蘆芽山西麓蘆芽有大天澗小天澗 宋

太平興國五年築長城於草城川沿天澗堡 長城

城北一里俗呼長城梁舊志蒙恬築一云趙武靈王

築嘉靖間牛圈窰掘石刻云隋開皇元年贊皇縣丁

夫築

宋築長城
當近之

元致和元年九月天澗口皮庫口穿

塹壘石

于坑堡臨西北八十里

洪谷堡隘于坑堡東路胥通保德州 歐陽修修岢嵐

城疏成德軍路出土門經天威軍平定軍至并州又

出天門關經憲州飛鳶軍入洪谷方至岢嵐約一千

五百餘里 宋河外用兵河東郡縣督餉轉西界夕

宿洪谷口知沁水縣楊仲元相其地乃寇所由徑路

亟命去之民以困乏為辭不聽寇果夜出劫諸部沁

水獨免

水峪關西北保德界 生地骨堆宋明鎬在河東以岢

嵐軍當雲朔路奏禮賓副使府谷張岳為麟府路駐
泊都監兼沿邊都巡檢使駐寄嵐張亢修并邊堡砦
初議置安豐砦于石神臺岳以為非要害之地遂徙
砦於生地骨堆以扼賊左右咸曰擅易砦地可乎岳
曰苟利國家得罪無憾也卒易之緣是左遷復以麟
府未解嚴復駐泊都監屯安豐即今水峪關地也
乏馬嶺東南五十里嵐縣界爾朱兆弟智虎與兆俱
走齊獻武擒之於梁郡寄嵐南山

溫泉小砦西南興縣界

三井堡在州西北四十里五寨堡西元為岢嵐鎮立巡檢司後裁萬厯間兵備道許守謙建堡於三井村北草城川歐陽修舉米光濬狀岢嵐草城川正當北界要害之地去年北寇來侵軍使米光濬應機拒守故獨岢嵐得不侵却地土亦不張皇再舉狀岢嵐當草城川一路地形平坦不比代州尚有險固捍禦控扼尤藉得人

韓光寨北五十里 咸平中契丹聚兵五萬屯草城川
并代鈐轄高繼勲登高望之謂軍使賈宗曰彼衆而
陣不整將不才也我兵雖少可以奇取勝先伏兵山
下敵見我弱必急攻我我誘之南走爾起乘之當大
潰轉戰至韓光嶺伏發契丹果敗相蹂躪死者萬餘
人獲馬牛橐駝甚衆

天牢寨在東南 梁家店在南 溫泉堡在西南 陳
寧寨在西 粉蹄背在西北 大化堡在西北 長

頭山堡在北

嵐縣

乏馬嶺寨北六十里城周三里高一丈五尺明洪武九年調鎮西衛官兵守之後罷

范家口縣北東北鹿徑嶺西北乏馬嶺范家口乃二嶺出平原口也

界河口西八十里興縣界 界河口鎮河在灰灰嶺北
燒炭山南

天村寨北二十五里城周二里高一丈五尺明洪武九年調鎮西衛官兵守之後罷

鹿徑嶺寨北六十里東有風洞溝又東有鹿徑溝南有木瓜溝寨設巡檢司

東河村甌堡 東村堡 普明鎮堡 曲五寨 郭家

庄寨 貫家庄寨 瓦窰寨 銅鼓山寨 草寨

赤龍崖寨 鐵青山寨 蒲胡山寨 野雞尖寨

大賢鎮南三十里 普明鎮南四十里 大蛇頭鎮

西六十里 東村鎮東南三十里 上明鎮西三十里 河口鎮北五十里 吸百里鎮西四十里 合會鎮西南三十里 舊名合河縣乃爾朱榮之封邑也 口子店北四十里 土峪店南十五里 前會店西八十里 王師店南六十里 青花店南三十里 胡家會店北二十里

興縣

黑峪口渡 裴家川渡 灘頭渡 通典合河關在北

唐志合河北有合河關東有蔚汾關縣西胥濱黃河
上下亘一百五十里設渡口八 北會渡對府谷縣
小木村五里至南會十里 南會渡對葛付村五里
東津對西津至裴家川二十里 裴家川渡至黑峪
口二十里 黑峪口渡至巡檢司十里 巡檢司渡
在巡檢司村對採林村五里至羅峪口三十里 羅
峪口渡對沙柳頭村五里至石灰口十里 石灰口
渡對葭州西豆字村至大峪口四十里 大峪口渡

對蘭家會村五里至臨縣界十里 舊志山西自河
曲至蒲津千五百里俱隣陝西河最狹而於神木渡
河為尤易

黃河在縣西五十里 黃河繞三受降城折而南由河

曲入晉境經保德州南至興縣界為北會南會東南

至裴家川口即嵐漪水入河地

唐合河關在此
金合河津鎮同

側為

合河即唐合河縣治今山巔城址猶存西岸為陝府

谷界南經張黃塢寨灘至黑峪口為秦晉通津西岸

為陝神木界下五里白家崖即蔚汾水合南川水入

河地

唐蔚汾關
戍當在此

下曰軟米灌又南為巡檢司舊志孟

家峪巡檢治此今廢又經桑灣村至灘頭西岸即神

木川水入河地又南至狼峪溝為狼峪灌又南牛家

川東豆峪西岸即葭州界歷大峪口至石灰溝入臨

縣界南北亘一百五十里

河自北而南兩岸皆崇山
列嶂左衝右擊嵐漪入河

下為張黃塢灌再下為眉夫灌蔚汾入河下為軟米
灌神水川水入河下為狼谷灌水衝巨石橫列中河
激浪聲震數十里近者人不聞語聲舟楫多不能通
木筏舵工當下灌十餘里外審視不少差尺寸而後

敢下冬月冰漸高或至數丈舟筏胥不行仲春
季春亦然迺冬岸冰結而中流開尤為難渡 黑峪

口冬月堅冰可通行旅與合河灘頭三渡尤屬要津

元陝西河東路兵馬都元帥石天應造船楫建浮
橋諸將多言水漲波惡恐勞費無功天應下令曰有
沮吾事者斷其舌橋成諸將悅服時金陵守王公佐
攻函谷將圖復故地及見橋成遂潰去

合河關在縣北唐置 開元八年朔方軍大使王晙討
蘭池部康待賓詔并州長史張說相聞經略時党項

羌亦連兵攻銀城說將步騎萬人出合河關掩擊破
之追北駱駝堰 宋志合河有乳浪砦蓋即唐合河
關乃西夏與宋往復驛路經涉渡口也金合河鎮三
合河津乳浪鹽院渡 宋慶歷元年秋元昊轉攻河
東及麟府不能下乃引兵攻豐州城孤無援遂據之
又破寧遠砦屯要害絕麟府餉道楊偕始請棄河外
保合河津上不許會張亢管勾麟府軍馬破之於栢
子又破之於兔毛川亢築十餘柵河外始固 通典

樓煩郡西北到榆林郡九十里西南到銀川郡三百里今繇興縣地界考之知為秦晉要疆

孟家峪西南五十里黃河崖路通陝西神木縣明洪武三年置巡檢司今裁近有穆家峪舊置巡檢司尋裁界河口東六十里路通岢嵐州明洪武三年置巡檢司北為大萬山土名燒炭山岢嵐要道界河口有界泉新泉嵐縣蔚汾水入界口

蔚汾關在縣東唐置

大坪頭 杆樹塢胥在縣東南 縣界萬山三大川經
流山麓北川為嵐漪水即奇嵐水入河地而河南諸
山則瓦堂村石壑村雙山壑為要隘以在嵐漪水南
故少次之中川為蔚汾水發源嵐縣黃尖山流經縣
城入黃河而東則大萬山為奇嵐要道界河口為興
嵐緊關西則黑峪口為神木通津南為南川水發源
合查諸山西流至趙家川口合蔚汾水入河而川南
山嶺下則界嵐縣永寧臨縣至東南嵐縣界杆樹塢

永寧界大坪頭西則李家灣康寧莊舖為臨汾通塗
瀕河採林渡大峪口為鄜延孔道

康寧莊南五十里 蔡家會南二百里

平陽府

臨汾縣

分水嶺城西北姑射山西接蒲縣界舊有分水關今廢

周武帝攻平陽大將軍宇文盛守分水關

分水古作汾水

張村岔西八十五里蒲縣界

漫天嶺東北五十里與浮山縣龍角山對峙山形荒漫
大尖山在東南曲沃襄陵迤邐而北

長寧關李克用自訴表晉州長寧關使張承暉錄到張
濬榜

高河鎮北七里半即古高梁也 元丁亥四月金赫舍
哩真襲擊平陽行營招討使權國王安扎爾於洪洞
知平陽府事李守忠出援之會於高梁師潰入城副
帥瓜爾佳常德潛獻東門以納金兵城遂陷 高梁郡

國志春秋高粱之墟今臨汾東北三十里有故城

河北

圖三十
七里

有高粱亭高粱堰春秋屬晉杜預註平陽揚

縣西南有高粱城

吳村鎮在西北

劉村鎮在西

泊莊鎮在西

伊村

堡在東南

喬李鎮在東北

襄陵縣

青石坂西南三十五里路通隰州山徑崎嶇明弘治十

二年知縣李高開為大道

一名白石坂劉彝開廣

白石坂記白石坂在縣治西南三十里賈朱村姑射山之巔石磴峻增路崎嶇百轉若羊腸然僅容徒步車轍馬跡罕能至者循南五里許即豁都峪凡吉隰之屬赴都省趨市朝四方之人利菽粟致芻蕘以及官使傍午皆由此途然夾於兩山之間雷鳴雨驟大水汎漲每為隔滯而此坂方峻險難涉虞城李公圖闢而平之鑿石刻木分度受程庚戌春二月厥功告成廣丈有四尺遠千六百步有奇自坂下而東里餘

斜口有渠曰雀水衝當中路峪水至則往來猶阻公
又構橋一虹因名雀水甃巨石用資堅久由是車馬
畢經遐邇咸至向之隔滯者舉得其便

兩乳山西南七十里鄉寧界

太平故關在縣南京安鎮後魏太平真君時立 金鎮

一故關 故關鐵冶在京安鎮 京安鎮市西南三

十五里 元設提舉司今廢

飲虹澗南二十里上有飛虹橋下通二郎溝 邢雷飛

虹橋記橋在縣治西南三十里義店聚南抵關陝北
抵京畿途所必由而夾岸陡絕澗深百尺橋踞兩崖
懸空巧構支柱交加麻生林立且覆之以屋棟宇凌
空儼若虹飛

南澗南三十九里京安鎮南接太平縣故城里界

分水嶺東南四十里龜山西南北袤二十餘里 卧龍

山東南接曲沃翼城北接臨汾浮山俱名分水嶺三
百里蒙坑嶺當在內 晉太興元年八月石勒命張

敬率騎五千為前鋒以討靳準勒統精銳五萬繼之
據襄陵北原降者四萬餘準數挑戰勒堅壁以挫之
按是時準據今渣石樓即縣北劉元海城也襄陵故
城今在縣西南宿水店龜山峙其東北分水嶺當即
襄陵北原蓋勒自東來全據霍山蒙坑之險以挫準
勢也

水經注天井水出東陘山西南北有長嶺嶺上
東西有通道即鉏蹬也審并晉地勢鉏蹬當屬

蒙坑分
水嶺

京安鎮在南 趙曲鎮在東南 關戍里在西南 安

澤鄉在東

汾河渡 郭村東一里 北陳東南五里 東徐南一

十五里 大陳南二十五里至太平縣陳郭村隸縣
境四十里

洪洞縣

分水嶺西五十里蒲縣臨汾界

郭盆鎮東三十里 洪洞地平沃東西胥列山崖東北
為霍嶽 郭盆鋪接岳陽張莊

寶崖東南七里秦壁村東北四壁高削俯瞰澗水明嘉
靖二十年築堡城與壁稱

萬安鎮西二十里 陽曲鎮南二十里 曲亭鎮東南
四十里 趙村鎮西三十里

浮山縣

中條山橫嶺東四十里南通翼城東烏嶺北達岳陽草
峪嶺東支遙接沁河界 北天壇山東北二十里中
條別支

佛嶺山東北三十里中條右臂 堯山一名北堯山

東八里中條西麓距天壇二十里巋然高出上有帝

堯廟 天壇山一名南堯山東南五里由橫嶺蜿蜒

而至堯山西南山脈凝聚於此突兀撐空 黑山一

名烏嶺又名牛首北四十里中條別支

黑水源北
接岳陽境

秦王嶺北四十五里 唐秦王世民破宋老生於霍邑

從霍山東分兵詭道潛行至此以扼前鋒嘗率游騎

轉戰於栢壁村立廟嶺上 宋志神山有韓貫安國

史壁壘頭等堡

神山廢城縣西南十里故縣村 故郭城南十里東北
西三面險絕惟南面平坦後魏書襄陵入禽昌有故
郭城一說丹朱邑 地形志平陽郡禽昌即漢晉之
北屈也神嘉元年世祖禽赫連昌仍置禽昌郡真君
二年改七年併永安屬焉有乾城郭城

遵女里在東南 淳治里在南 忠孝里在西南 熙
豐里在西南 敦崇里在西北 仁義里在東北

東張鎮 王村鎮

趙城縣

羅雲山西四十里北接汾西南連洪洞西抵蒲縣巖險
巍峩上常有雲氣 羅雲堡 羅雲山有五峰羅雲
口為七佛峽即雲巖也巔有泉 羅雲里樊村里胥
西四十里

亂石灘北二十五里接霍州界

秦王嶺有三一在浮山北四十五里唐太宗南破宋老

生繇霍山至此一在靈石西南三十里太宗取霍邑
駐兵地一在縣南三十里名秦王坂

營田堡東南三十里 安定堡西十里 楊堡南十里

王樂里南三十里 柴村堡東南四十里 胡坦

里東南十五里 梗壁堡東十里 韓侯堡西南二

十里 羅雲堡西四十里 師村堡西三十里

太平縣

汾陰山南十里秦豫孔道東西綿亘三十里高一里迤

高五里 明時草木蒨鬱行旅戒心及芟柞盡而四望彌曠南俯晉國故城又南則汾河五十里如匹練西為馬頭九原二峰東南為曲沃喬山紫荊山延袤隱見村聚稀濶萬厯十七年知縣侯於魯募民立鎮名清儲崇禎五年築堡 梁綱清儲鎮記太平南十里許有阜隆起名汾陰山

太平關北二十五里襄陵縣南三十五里為京陵鎮太平為故關鎮 太平古城一在縣北二十五里今為

古城鎮其北即古太平關也一在東北三十里即移
於關東者今改為北故縣 古城鎮舊有堡明崇禎
三年修築邑之北境太平關在其後即後魏初設邑
治也 五朝志太平有關官 唐志有太平關貞觀
七年置

蒙坑東四十里汾水東接曲沃界南北數十里坦然成
大道而馳騎過之倏似身墮井底前有驛後有村胥
以蒙名 蒙坑之險即卧龍山喬山絳山之險也玉

壁之險即汾水之險也古人名為天險 蒙村縣東
南二十五里 後魏天興五年八月圍姚平於柴壁
姚興悉衆救之魏太祖甲子渡蒙坑逆擊大破興軍
汾水關通考太平有汾水關

尉村西北一十五里 後魏世祖時山寇白龍憑險作
逆詔鎮南將軍奚眷與秦州刺史薛謹自太平北入
討平之 明崇禎三年三月陝賊縣鄉寧豁都峪出
焚劫諸鄉直薄城下知縣魏公韓操火器禦之創建

甌城

按豁都峪為太平西北咽喉地

白波峪東南三十五里永固村

漢中平六月黃巾餘

賊郭泰於河西白波峪築壘禦他寇後黃巾滅壘廢

西賈堡八里 萬故縣堡十五里 南劉村堡十五里

南賈堡十五里 東劉堡二十里 丁村堡三十

里 敬村堡三十里 解村堡三十里 柴莊堡三十

十里即後秦姚子奇築堡伐魏地 伯皇村堡三十

五里 北社堡三十里 蒙坑堡四十里 沙女堡

四十里 史村九堡四十里 西張堡十里 永固

寨三十里 晉圈羊城漢末白波壘在此 南王村寨

三十五里 萬王村旁有龍門溝有文巾子土龕志

即白牛溪 清儲鎮十里 明崇禎十年築城 南趙

堡十里 趙康鎮二十五里東為古晉城 北柴堡

二十五里即古晉城地 南柴堡二十五里西即古

晉城 焦村堡十五里 李村堡二十五里 南毛

堡三十里 北膏腴堡十里 南賈防堡十五里

西中黃堡十里 尉村堡十五里 道堡二十里

西曹路堡十里 南北相李堡十五里 站里堡十

五里 侯村堡二十五里西北近姑射山 故城鎮

二十五里太平關東南 郭店堡七里 北故縣堡

三十里隋開皇十年移縣治於關東即此 堡頭堡

三十三里 陳郭三十五里靈源泉出西南

汾河渡 西吉東南三十里 東吉東南三十五里

南王東南三十里 永固東南三十里 姚村東南

三十里 王村東南三十里 裴村東南三十里
倉頭東三十里 下尉東三十里 丁村東三十里
毛村東三十里 史村東北四十里

岳陽縣

草峪嶺東南七十里路通潞安府五十里至勞景村又
二十里至屯留縣界良馬村

東鄔嶺東南一百里接翼城界 金志岳陽有烏嶺山
通軍水 明一統志烏嶺山名在平陽府翼城縣東

七十五里上有東西通道二嶺相對曰東鄔西鄔又
澤州沁水縣西北四十里有鄔嶺一名黑嶺

刁黃嶺東南一百五十里長子縣西五十里

勝佛嶺東北九十里沁源縣界

千畝原通典岳陽有千畝原左傳晉侯千畝之戰即此

括地志千畝原在晉州岳陽縣北九十里 通考

隋為千畝縣後改岳陽

潼關臨北七十里石城內有營房

千佛溝北五十里溝最深陡關隘塚石尚存

府城關唐志岳陽東有府城關今府城址在沁河西

猗氏關

安民堡今為連城西堡元時紅巾賊亂創築

喬岳堡今為連城南堡明崇禎五年知縣喬王翰創立
以為西堡犄角之勢

灣裏堡 五馬堡 東池堡 堯興堡 故縣堡 永

樂堡 高邑堡 曲成堡 東里堡 藍村堡 孔

村堡 高壁堡 和川堡 唐城堡 亢驛堡 賈

寨堡 弱柳堡 羅家山堡 辛莊堡 高城堡

徐村堡 賈村堡 左村堡

曲沃縣

鐵嶺關西南五十里隘口村東倚絕巘西臨大壑迤南

石色如黛峰峻徑仄車難並軌昔嘗建關於此址存

驛橋村四十里 隘口村五十里 隘口集古驛

橋里 金溝泉在隘口村今廢

蒙坑喬山西為壚頭山又西蜿蜒十餘里至於蒙坑西
距汾河寢三里溝深徑曲後魏書將軍安同曰臣
嘗受遣詣絳督租見汾東有蒙坑東西三百餘里蹊
徑不通周建德五年十月武帝命齊王憲率兵六
萬還援晉州憲進軍營於涑水齊主攻圍晉州晝夜
不息周間諜還者或曰城已陷憲遣柱國越王盛大
將軍尉遲迥開府宇文神舉等輕騎一萬夜至晉州
憲進軍據蒙坑為其後援知城未陷乃歸涑川唐

天祐六年劉知俊乞師晉王自將至陰地關遣周德威攻晉州敗梁軍於蒙坑 梁開平三年八月晉周德威攻晉州詔楊師厚往救德威以騎扼蒙坑之險師厚擊破之進抵晉州晉兵解圍遁去 五代史王峻傳劉旻攻晉州周太祖遣峻爲行營都部署得便宜行事軍出絳州前鋒報過蒙坑峻喜謂其屬曰蒙坑晉絳之險旻不分兵扼之使吾得過此可知其必敗也峻軍去晉州一舍旻聞周兵大至即解去明日

峻遣騎兵追旻不及而還 曲沃南北皆山紫金山

北六七里有澮水喬山南二十里有合水澮南合北
邱高壑深各接於山而澮北合南東南澮高山東北
覆釜堆踰翼以達於沃七十里中修岡孤阜平疇高
高下下皆兩水束焉而西復匯於汾此曲沃之大勢
也 劉崇引契丹擾晉州周樞密使王峻率兵拒之
以陳州防禦使藥元福為西北面都排陣使軍過蒙
坑崇夜燒營遁 蒙城鎮東北四十里 滴水溝在

蒙城鎮東十里今廢

侯馬鎮西南三十里 曲村鎮東北二十五里 高縣

鎮西少北二十五里 柴村鎮北九里 西莊鎮北

二十里

翼城縣

烏嶺山東七十里沁水縣西四十里山有東西通道二
嶺相對曰東烏西烏以山色黑名半隸翼城半隸沁
水乃翼沁之險要也南為關子門嶺烏嶺迤南惟此

可通澤潞蹊徑險隘較烏嶺尤甚舊有石門今廢

潞水出東烏嶺 西烏嶺營屬平陽 東烏嶺營屬

潞安 東塢嶺巡檢司 唐會昌三年九月石雄為

晉絳行營節度使代李彥佐時王宰屯萬善劉沔屯

石會關顧望莫先進雄蒞事明日即引兵踰烏嶺破

五寨殺獲千計 後周廣順元年十月劉旻攻晉州

別遣陳思讓康延沼自烏嶺出絳州與都部署王峻

會

兜塚寨在東山 衛周祚守道王公平妖碑妖寇糾黨

二十年有奇崇禎二年盤居翼沁蔓延於絳公孟夏
二十六日自絳抵翼約十日可至南山曹公一帶賊
聚衆謀拒而公於二十七日之夜率兵直抵山寨出
其不意渠魁盡登兜塚餘黨盡歸山洞小洞無算大
洞二十有九每洞輒深數里粟支數年公歷洞口勸
諭抗不應督兵親攻破之隨進取兜塚削壁懸崖環
以溝澗賊守綫徑擁石下擊公周閱寨旁取山間賊

寨門製如鞍狀凡二百付每付伏二人禦石登山賊不能守而寨破矣門鞍之計亘古兵法未聞明季土賊哈哈教主盤據東山兜塚寨

國朝順治元年邑令趙昉嘗勦之後安定國烏合餘黨復聚東山邑令胡獻瑶率壯士分道擒二十餘人孽黨胥剪

龍化鎮東四十里東據烏嶺西臨翼城南連絳縣北接浮山扼要地也隆化鎮即隆化城周鎮也北齊隆

化元年周武帝取滄州齊置鎮于此以禦周師故名
隆化金興定三年置隆化縣元憲宗二年廢今在隆
化村

歷山東南七十里界翼城垣曲間山上有舜王坪西南
磬塚村屬垣曲西北黑谷村屬翼城山東諸村屬沁
水陽城北四邑交會境也

鄭康成曰歷山在河東綱目曰舜耕於歷山生於姚

墟今邑北門外冰清鎮傳為姚墟

家谷竹書紀年莊伯以曲沃叛伐翼公子萬救翼荀叔

軫追之至於家谷翼侯焚曲沃之禾而還

孫壁西北二十七里 鳳架坡西北五里 王莊堡東

北二十里 東西河底村東北六十里 上交堡東

北五十里 下交村東四十五里 隆化東四十里

保內鄉 北絳東二十里 莊伯谷東南十七里近

七里坡 中堡南二十里賀水鄉 合雲堡西南二

十里

汾西縣



高堆底西五十里康熙十二年邑令蔣鳴龍建高寧堡
記曰蒲隰通衢姑射要道山則壁立千尋上凌霄漢
東西北三隅陡峻惟南鳥道一線可登 高寧堡牆
周一百三十三丈八尺高二丈 舊并高岡里接三
雲里

鳳吹嶺西七十里隰州界

圪台頭西南四十里

克城西南七十里蒲縣界

勅香鎮 鳳頭鎮 水潤鎮 乾河墩在南 店頭墩

在東南 連村墩在東 通仁義驛 神符堡在東

乾河堡在東南 僧念鎮在南 團栢堡在南 伏

朱堡在西南 頭化堡在西 姑射山外 迴城在西

王提堡在西北 風吹嶺東南 通隰州 對竹堡在

北 沙要堡在東北 通靈石

靈石縣

冷泉關北四十五里即古川口也關外迤北皆平原曠

野而入關則左山右河中通一線實南北咽喉要地
有渡 縣志北有靈石口之嚴關 自介休縣義棠

鎮南至靈石陰地關賈胡堡皆古雀鼠谷水經注所

謂數十里間道隘者也 桑平峪河在冷泉北十里

居民千餘家山水灣繞特異

冷泉在縣北四十里傳
為大雲寺中井又曰堡

中泉冷泉堡冷泉關東山上 桑平堡在縣北五十里

桑平峪村南山上冷泉鎮東一里許 靈石口巡檢

司明洪武八年置於冷泉鎮今裁 沈復禮修冷泉

關記隆慶丁卯冷泉失守汾霍動搖又曰萬厯甲午
改汾州為府靈石隸焉冷泉無守而平陽之門戶撤
越二十年襄陵吏科都給事中李瑾上封事直陳冷
泉為平陽鎖鑰上可其議於是平陽有靈石如故

郭家溝南二十五里兩山高峙中界深溝明嘉靖己酉
平陽知府聶豹築臺起樓於溝南題曰天險並建官
廳三楹及窰洞數十以宿防禦官軍溝跨一木橋歲
久圯敝萬厯二年知縣白夏易以甃石仍建弔橋於

橋北深塹以遏敵衝

石橋亦
扁天險

縣志南有郭家溝之天

險 霍州志靈石與霍隔百里中凡嶺六有關曰天

險 辛珍郭家溝橋記橋在韓侯嶺南常家山巍哉

巖薛與太行相參歲雨集則綿山及衆壑之水湏洞

奔趨日浚歲深遂益捻窪兩坂峻倚陟降者靡不驚

眩而憂僵蹶况陰雨寒沍積雪堅凝者哉 郭家溝河

在韓侯嶺常家山中山峪水會流經魯班纏

俗謂之
魯班橋

入汾 魯班纏在縣西南四十里地極峻嶮上有寺

傳為魯班所修 韓侯嶺在南二十里汾河東相傳
葬淮陰侯首於嶺 靈石有韓信嶺志傳多譌按漢
書曹參從韓信擊趙相國夏說軍於鄆東大破之信
下井陘而令參還圍趙別將戚將軍於鄆城戚將軍
出走追斬之鄆城即古鄆城泊蘇林曰鄆太原縣今
介休地介休南即靈石是必夏說嘗阻雀鼠谷之險
而信據嶺以扼其要乃克破之於鄆城東耳

秦王嶺西南三十里唐太宗取霍邑駐馬於此 老生

寨高四里對秦王嶺宋老生築以拒唐兵唐將攻霍
邑而不得進因霍山神語從微道進遂破之

蛤蟆嶺西南五十里即古賈胡堡唐兵取霍邑駐此俗

呼蚰子嶺

陰地關西南五十里即南關鎮

冷泉關在北此
稱南以別之

唐宋以

來雄關橫亘今關廢遺址猶存 宋地理志靈石有

陽涼南關陽涼北關

邑舊志載仁義
鎮為陰地關

明一統志關在

縣南二十里汾水西其地燥亢視冷泉迤北差煖故

名 仁義河在縣南四十里源出沁源流經石膏諸
山南過仁義鎮至南關鎮入汾 仁義鎮西南至南
關鎮十里縣志唐太宗興仁義之師取霍邑劉武周
據高險以扼其後太宗復破之似涉支離 昭宗大
順元年招討制置使張濬討李克用擊陰地關兵敗
濬遁李存孝取晉絳大掠慈隰境 五月太原行營
都統張濬屯陰地十一月濬師大敗於陰地濬軍三
戰三敗濬及副使韓建遁歸 天復元年四月侯言

出陰地關以攻晉 唐李嗣昭復取汾州斬李瑋遂
出陰地取慈州降其刺史唐禮又取隰州降其刺史
張瓌 梁開平二年晉周德威李嗣昭將兵三萬出
陰地關攻晉州刺史徐懷玉拒守太祖自將救之德
威退保隰州 貞明元年唐莊宗取魏博匡國軍同
州節度使王檀謂晉兵悉在河北乃以奇兵出陰地
襲太原不克而還 周顯德初劉崇南寇命河中節
度使王彥超領兵取晉州路東向邀擊從戰高平彥

超自陰地關與符彥卿會兵圍汾州諸將請急攻彥
超曰城已危矣旦夕將降我士卒精銳儻趨以先登
必死傷者衆少待之翼日州將董希顏果降 宋建
隆元年太祖征李筠詔建雄節度使楊廷璋率所部
入陰地分賊勢賊平歸鎮 元文宗天歷元年令靈
石陰地關穿塹壘石以為固丁壯守之

汾水關通典今縣東南有高壁嶺雀鼠谷汾水關皆險
要之地

長寧關

竹竿坂南十里

磨兒溝

俗呼磨子溝

東北三十五里溝東西有墩臺二在抱

腹巖西北接介休界

文殊原西二十里

逍遙嶺南五十里霍州界

印馬峪在縣西接隰州境

桑平峪北四十五里介休界

新莊村西一百里隰州界

魚兒川東一百二十里接沁源界路通霍州岳陽武鄉
趙城諸地山險林密流寇嘗據為巢穴萬歷四年議
修堡寨并置巡檢司不果

馬跡崖寨東三十五里綿山上極陡峻岩穴窟洞足容
數千人四面無路惟一石梯可登梯殊高上又有石
門阨之

三清寨東四十里綿山上懸崖陡澗上有屏風石內有

清泉

禪房岩寨在綿山內四面險阻一徑裁通中有泉

索洲堡北二十里索洲鎮東山上 冷泉堡北四十里

冷泉關東山上 桑平堡北五十里桑平峪村南山

上內有井 靜昇堡東二十里靜昇村北 上村堡

東三十里上村北山上 送飯子堡東三十里牛鼻

山巖下險峻不易上 曲買峪寨東四十里 小水

鎮 冷泉鎮 雙池鎮 石門峪鎮 上村堡

霍州

千里徑東三十里霍山下 霍山舊號千里徑者山坂
高峻每大軍往來士馬勞苦元魏平陽太守封子繪
請於舊徑東谷別開一路大丞相高歡從之仍令子
繪修開旬日而就 後周汾州界北接太原當千里
徑汾州刺史韓褒聞寇來不下屬縣民不設備齊人
喜曰汾州不覺吾至還必莫能追躡矣遂不為營壘
褒先勒精銳伏北山中分據險阻邀其歸路乘敵怠

而設伏擊之胥獲焉 建德五年十月陳王純領步
騎二萬專守千里徑

回牛嶺隋漢王諒據并州晉絳呂三州並城守隋將楊
素各以二千人縻之而去諒遣趙子開擁衆十餘萬
柵絕徑路屯據高壁嶺布陣五十里素令諸將以兵
臨之自引兵入霍山緣崖谷而進直指其營一戰破
之殺獲數萬 金河東南路都總管胥鼎疏霍州回
牛鳳樓嶺諸阨戍卒乞量留偵候 元張藻梁秉鈞

墓碑已卯按察納延總軍與公南向征伐由回牛樓
鳳二嶺遂下平陽霍州晉沁潞等數十餘城又攻太
行使其山不得固其險羣師馳入又下懷孟等十餘
城今北郭門外有鳳樓橋元元帥程榮建

鳳樓嶺

藍腰溝西北三十里靈石界左山右河

三里溝北五十里沁源界左右大山

南坡南十五里 通典隋末高祖起兵自太原至霍邑

隋將宋老生守城太宗以數騎詣其城下舉鞭指揮
若將圍城者老生怒開門出兵高祖因謂隴西公建
成曰汝看兩陣將交引左軍直趨東門命太宗引右
軍直趨南門以斷其歸路老生之軍背城而列陣高
祖以中軍與建成合陣於城東太宗陣於城南老生
麾兵疾進先薄高祖而建成墜馬老生乘之中軍與
左軍咸却太宗自南原遙見塵起知義師退率二百
騎馳下峻坂殺一賊將遂衝斷其軍出其陣後表裏

齊譟隋師大潰遂擒老生而平霍邑

北坡北十五里

師莊鎮北三十里 辛置鎮南二十里 轟轟澗村堡

在西北 青羅壁在東南 蝦蟆灣堡在東南 彘

谷堡在東 靳壁在東 韓壁在東 羅澗堡在東

南 鳳棲堡北四十里白道都 金鞍村在北 龍

泉堡在東北 李澗堡在東北 石鼻堡在東 陣

村堡在西南 龜兒溝堡在東南 南杜壁在南

北社壁在東

山西通志卷九

欽定四庫全書

山西通志卷十

關隘二

潞安府

長治縣

古夾寨城西十三里今稱南寨村北寨村 唐天祐
四年梁康懷貞率兵十萬攻潞州晉昭義軍留後
李嗣昭固守內外隔絕遣周德威救之壁於高河

懷貞擊之不克梁遣李思安代之築夾寨以防衝
突通救援調山東兵饋糧德威以輕騎抄之思安
自東南山口築甬道屬於夾寨德威與諸將互往
攻之一日數十發梁兵閉壁不敢出會克用薨存
勗嗣位召德威還梁兵不設備存勗曰上黨河東
之藩蔽無上黨是無河東也遂率諸將至三垂岡
伏兵值早霧直抵夾寨梁將士尚卧乃分兵填塹
燒寨鼓譟而入梁兵大潰南走圍遂解梁開平元

年右司馬符道昭與康懷英等攻潞州築夾城為
蚰蜒塹以圍之逾年不能下晉兵攻破夾城道昭戰
死

西火堡南八十里陵川界 明崇禎五年流賊自陵
川馬附城至縣南境首掠西火

韓店鎮明洪武元年十月庫庫特穆爾遣韓禮兒援
潞安偏將軍楊璟副將張彬過於韓店大戰敗績
北董堡東南十里 蘇店堡南十五里 南董堡南

二十里 關村堡北十里 角沿村堡西北二里

餘今廢 高河鎮 漳澤鎮 郝店鎮 八義鎮

東和鎮 玉坊鎮 桑梓鎮 蔭城鎮 大峪

鎮 師莊鎮 西和鎮

長子縣

長平關南四十里以古長平郡名即秦白起坑趙卒

地隋置關唐因之一名江豬嶺

上有石豬形

括地志長

平故城在上黨縣西四十五里秦坑趙卒於此

北漢劉旻自雕窠嶺間道馳去即江豬嶺也是
誤趨晉州當由江豬復西走橫水村刁黃嶺道耳
潞澤之交橫亘一山起丹朱嶺至馬鞍壑有古
長城一道歲久傾頽遺跡尚在登高望之宛然聯
絡中有營壘土人謂梁晉交兵時築陵川又名山
為秦嶺謂秦時築以事考之則長平之役秦人遮
絕趙救兵及芻餉而築也又計石城百里非假以
歲月不易成蓋嘗循沁河之濱當絕險之地有城

二北曰武安南曰屯城皆白起屯兵之所左山右水進退有據其去長平尚百餘里頓大兵於此越數險而擒難勁敵俾無噍類夫以四十萬衆既當其鋒又絕其後又宿重兵於別所布置得宜陰陽互用吾觀武安君之行營部置而信其能成於頃刻也即秦王不親至河內發民十五以上赴長平武安亦足自辦矣上黨記長子縣關城都尉所治

穀關魏書穀關在羊頭山下羊頭山在東南五十里
方山西六十里潞安府西界越山為岳陽草峪嶺

橫水村西一百里岳陽縣界元設巡檢司後裁 隋置

寄氏尋復稱長子今長子實有寄氏東境地其西境
則岳陽地也 金鎮一橫水

刁黃山西五十里高二里二百五步盤踞三十七里東
至麓十里西至麓九里南至沁水界四里上多雜木
與發鳩山相連西通岳陽草峪嶺道 唐張濬入陰

地關遣昭義節度使孫揆速行入潞揆以梁卒三千
爲衛擁節先驅李存孝以三百騎伏長子西崖谷間
伺揆軍過橫擊斷之擒揆以歸即刁黃山也 杜寧
漳源八景詩序刁黃山最為高峻雪經夏不消風氣
常寒 元至元三年平陽路總管鄭鼎開潞河鵬黃
嶺道以來上黨之粟

鮑店鎮北四十里為太原孔道 潞澤營將領統鎮於
郡城分哨於諸邑康熙五十七年增設駐防

壕村鎮南四十里 南呈鎮東南二十里 石砦鎮西二十里

屯留縣

邊寨鎮西南一百里 岳陽界路通平陽 豐儀堡西南四十里 明萬曆二十九年屯留縣請於邊寨鎮設防守廳以屯留縣主簿駐劄巡緝

中村寨西一百里 沁源界 霜澤寨西五十里 丈八佛廟鎮西五十里 霜澤山西五十里



上黨關先屬涇氏後屬屯留此西關也 魏寄氏縣有

上黨谷

余吾堡西北二十里春秋余吾邑周九里故址尚存漢為縣晉廢今為余吾鎮明嘉靖時築堡城周二里

通典有漢余吾故城在今縣西北 余吾驛今并入

縣 水經注漳水又東陳水注之水出西發鳩山東

逕余吾縣故城南漢光武建武六年封景丹尚子為

侯國

常村鎮東北二十里路通太原 古名寺底鎮明改名

金鎮一寺底

上村鎮東北二十里 駝坊鎮東南二十五里路胥通

潞安府

霜漢寨在西南 中村寨在西南 苗岳鎮在余吾鎮

南 豐儀鎮在苗岳鎮南 西賈鎮在南

襄垣縣

褹亭鎮西六十里古銅鞮縣今為褹亭驛 褹亭南里

西六十里 褱亭北里西六十五里 紫巖山近褱

亭 漢地理志銅鞮有褱亭春秋昭公八年叔弓如

晉賀虎祁也虎祁宮名顏師古曰虎音斯今為褱亭
鎮 漢志注銅鞮有上褱亭下褱聚 金鎮一褱亭

水經注銅鞮水又東逕故城北城在山阜之上下
臨岫壑東西北三面岨袤二里世謂之斷梁城即故
縣之上褱亭也銅鞮水又東逕銅鞮縣故城北城在
水南山中晉大夫羊舌赤銅鞮伯華之邑也漢高祖

破韓王信於此銅鞮水又東南流逕頃城西即縣之下褱聚也地理志曰縣有上褱亭下褱聚者也銅鞮水又南逕胡邑西又東屈逕其城南又東逕襄垣縣入於漳上褱亭即北里下褱聚即南里褱亭雖不甚憑山險而為潞北門控小漳水之全勝故漢高帝阻此以敗韓信劉崇據太原周祖思得方略之士以備邊遣陳思讓率兵詣磁州控扼澤潞即充團練使廣順元年九月劉崇遣大將李瓌領馬步軍各五

都鄉兵十都自團栢軍於鷄子店磁州團練使陳思讓與都監向訓張仁謙等率龍捷吐渾軍至褫亭西與環軍遇殺三百餘人生擒百人獲崇偏將王璠曹海金馬五十匹 廣順中王彥昇從向拱破太原兵褫亭南斬敵帥王璋於陣

石研關上黨舊轄沾縣北接井陘亦轄涅氏北通盤陀皆石徑故名石研

研音陘

當在潞沁之間石會關在潞

州亦當隸武鄉沁州襄垣間

五嶺關西南七十里五嶺山之陽明洪武三年置巡檢
司後裁 正統元年山西巡撫于謙請於五嶺山置
關駐號亭鎮北控沁州 五嶺山西南七十里五峰
環立中為南北往來之衝巡檢司在焉 榆林鎮西
南八十里五嶺關之南 五嶺山鋪西南通屯留縣
井谷關東三十里在天井谷內深邃如井後魏置關周
建德六年廢 唐志東有井谷故關 後魏有石井
關郡縣志未詳或即石研井谷

故關東二十里

夏店鎮西三十里 下良鎮北三十里北通遼州 西

營鎮北四十五里即武鄉縣界 長隆鎮西南二十

五里南通潞安府北通沁州 東周鎮西南二十里

潞城縣

三垂岡西南二十里高三百五十二丈長九里周二十
八里三阜漸卑形肖旌節為上黨之纏護 唐十道
記晉將軍王廣趙柔嘗敗劉聰將喬乘於此山下

唐莊宗伏兵於此破梁夾寨 晉王李克用初破孟
方立於邢州還軍上黨置酒三垂岡伶人奏歌時子
存勗在側方五歲王慨然曰吾行老矣此奇兒也後
二十年其能代我戰於此乎及存勗即王位梁人因
余吾晉兵已引去夾城兵頗懈王欲乘其怠擊之遂
發晉陽軍行至三垂岡歎曰此先王置酒處也伏兵
岡下會天大霧晝暝兵行霧中直抵夾寨梁將士尚
未起周德威攻西北隅李嗣源攻東南隅梁兵大敗

晉凱旋告廟

微子嶺東北二十里高二里斜延十里周二十五里下有微子村微子城 潞水東四十里源出微子城至西流里入濁漳 太平寰宇記微子城在潞東北三十里 秦建元六年十一月辛亥尚書令王猛進次潞川與燕太傅慕容評相持壬戌遣將軍徐成覘燕軍形勢期以日中及昏而返猛怒將斬之建武將軍鄧羌固請與成效戰以贖罪猛弗許羌怒還營嚴鼓

勅兵將以攻猛謂羌義而有勇使語之曰將軍止
吾今赦之時覘知評賣水鬻薪不撫將士雖帥中外
精卒四十二萬而有可乘之會乃遣遊擊將軍郭慶
以銳卒五千夜從間道出評營後傍山起火燒其輜
重火見鄴中暉催評速戰評大懼遣使求戰甲子猛
陣於渭源而誓衆衆皆踴躍破釜棄糧大呼競進猛
望見燕兵甚盛惡之謂羌曰今日之事非將軍不能
破勅敵羌曰若能以司隸見與者公勿以為憂猛曰

此非吾所及也必以安定太守萬戶侯相處羌不悅
退俄而兵交猛召羌寢而不應猛馳就許之羌乃
大飲帳中與徐成張蚝等跨馬連矛馳赴評軍出入
數四旁若無人搴旗斬將殺傷甚衆戰及日中評師
大敗俘斬五萬餘人乘勝追擊所殺及降者又十萬
餘人評單騎奔鄴猛長驅而東丁卯進兵圍鄴 綱
目質實渭源疑是地名未詳處所竊謂此必潞源之
訛也潞水源出微子山下 符堅送王猛於灞上曰

便可從壺關上黨出潞川此捷濟之機所謂疾雷不
及掩耳水經注關駟曰有潞水為冀州浸即漳水
也按燕書王猛與慕容評相遇於潞川鄆固山泉鬻
水與軍入絹匹水二石上黨無佗大川可以為浸所
有巨浪長川唯漳水耳故世人亦謂濁漳為潞水
神頭鎮 微子鎮胥在縣東 南陸鎮在縣南 黃碾
鎮 安昌鎮胥在縣西
黎城縣

壺口故關東北二十八里路通河南涉縣即今吾兒峪

也

東逾東陽五里

吾兒峪巡檢司東北三十里吾兒峪明洪

武二年置後移置東陽關名仍舊 東陽關東二十

里控武涉吾兒峪 漢書上黨郡有壺口關 馮衍

遺田邑書上黨之地有四塞之固東帶三關西為國

蔽三關謂上黨關壺口關石陘關也 章懷注潞州

上黨縣有壺山口因其險而置關焉 通典有壺口

故關 唐志東有壺口故關 金志有白巖山壺口

故關 文獻通考黎城有故壺口關 壺關舊志壺

關在郡東山川相錯地形如壺秦建縣嘗為上黨郡

治 古關堡在縣東北二十里古關鎮 黎侯城東

北十里為壺口關其形似壺 左傳哀公四年齊伐

晉壺口杜預注潞縣東有壺口關今屬黎城縣即吾

兒峪也蓋嬰兒奪黎地故也 袁尚敗并州刺史高

幹降曹操及操征烏桓幹遂執上黨太守舉兵守壺

口關以扼魏樂進李典擊之未下操還親征幹求救

於單于單于不受操克壺關幹走死 齊後主自并
州奔鄴詔王公議於含光殿廣寧王孝珩以大敵既深
事藉機變宜使任城王領幽州道兵入玉門揚聲趨
并州獨孤永業領洛州兵趨潼關揚聲趨長安臣請
領京畿兵出滏口鼓行逆戰敵聞南北有兵自然潰
散高阿那肱韓長鸞忌之不遣出壺口關玉門當即土門劉
琨在潞上表惟有壺關可得告糴而此二道九州之
險數人當路則百夫不敢進公私往返沒喪者多

唐討李克用張濬軍至陰地朱全忠遣驍將葛從周
自壺口關潛入會李存孝擒孫揆從周遁還 明崇禎
十五年任國琦自松山潰歸繇林縣夜踰壺口關十
一月掠長治北董鎮蘇店秦家莊從容入秦去 黎
侯故城在縣東北二十里西伯戡黎蓋以黎恃吾兒
峪之險而敢拒方伯也

南陌鎮城北一百里通遼州太原 明崇禎五年邢紅
狼掠南北陌東西井

金史卷之二十一
上遙鎮城西南三十里通襄垣沁州

西仵堡城南十五里通路安府

臺壁東十五里古臺壁東距彰德百里西距長子百里

燕建興八年燕主慕容垂伐西燕慕容永發司冀
青兗兵遣太原王楷出滏口遼西王農出壺關垂自
出沙亭擊永永嚴兵分道拒守聚糧臺壁遣從子征
東將軍小逸豆歸鎮東將軍王次多右將軍勒馬駒
率衆萬餘戍之四月垂頓軍鄴之西南月餘不進永

謂太行道寬乖詭道伐之乃悉攝諸軍還杜太行軹
關惟留臺壁軍甲戌乖進師出滏口入自天井關五
月乙酉至於臺壁永遣太尉大逸豆歸帥衆來拒乖
征東將軍平視擊破之小逸豆歸出戰遼西王農又
擊破之斬勒馬駒及王次多遂圍臺壁永召太行軍
還自率精卒五萬來拒阻河曲以自固馳使請戰北
地王鍾降己亥乖列陣於臺壁之南分農楷軍為左
右翼驍騎將軍國伏千騎於深澗下庚子合戰乖引

軍偽退永追奔數里國發伏兵馳斷其後楷農夾擊之永師大敗斬首八百餘級奔還長子晉陽守將聞之棄城走水經注潞縣北對故壁臺漳水逕其南本潞子所立世名之為臺壁也慕容垂伐慕容永於長子軍次潞川永率精兵拒戰阻河自固垂陣壁臺一戰破之即是處也

九龍山寨西北七十里西井鎮南山險林密陟絕巘遠觀數百里村聚恃為保障

松池山寨東三十里宋家莊南 古關堡東北二十里

古關鎮

漳河渡南二十里

壺關縣

羊腸坂東南一百六里 漢書地理志壺關有羊腸坂

長三里曲盤如羊腸然

通典文獻通考
輿地考皆同

櫛林臨東南

一百二十里在羊腸坂上山徑僅容人行通河南輝

縣 趙收天下以伐齊蘓厲為齊說趙王曰秦盡韓

魏之上黨則地與國都邦屬而壤挈者七百里秦以
三軍强弩坐羊腸之上即地去邯鄲二十里且齊以
三軍攻王之上黨而危其北則勾注之西非王之有
也 史記正義秦上黨郡今澤潞儀沁等四州之地
兼相州之半韓總有之至七國時趙得儀沁二州之
地韓猶有潞州及澤州之半半屬趙魏沁州在羊腸
坂之西儀并代三州在勾注山之南秦以三郡攻趙
之澤潞則勾注之南趙無地 蔡澤謂應侯曰決羊

腸之險塞太行之道 後漢魏郡趙國常山中山增

六百一十六塢河內通谷衝要增三十三塢是胥緣
太行諸郡縣而立塢以守也

十八盤隘東南八十五里山徑僅容人行通河南林縣

楊家石塘口

上黨記東山在城東南
晉申生所伐今名無單

正梯隘東一百一十里路通林縣形險似梯一名梯頭

隘

崇賢堡周三百二十五丈四尺四面高崖深十丈 辛

村寨周一百二十丈七尺四面高崖深九丈 好牢

寨周一百五十丈四面高崖深十丈

平順縣

虹梯關東北六十里張井里栢木都大山中有石徑通
河南林縣山形如壁勢峻如天徑如雲梯土人傳魯
般所鑿上有虹梯關置巡檢司 地形志壺關有魯

班門一名天門 夏言虹梯關銘玉峽關西來百餘

里近蟻尖砦千峰壁立中通峭峽狀如風門而少下

則無底之壑石磴齒齒盤迴霄漢望之若虹霓然故
號洪梯予易以今名亦因以關焉 張仲賢新建潞
安府記改州治為府青羊村為縣相地攸宜立玉峽
虹梯關者二花園口魯般壑穿腦等堡者三礮溪峰
玉斗崖白雲谷巡檢司三 漢淮南王謂伍被曰此
北尚有臨晉關河東上黨與河內趙國界者通谷數
行此為黃榆黃澤壺口虹梯玉峽榭林柳樹盟子城
言也

玉峽關東八十里新興二里花園村西高山岫嶺名風
門腦路下河南林縣兩山峭立若玉峽然上有玉峽
關置巡檢 夏言玉峽關銘玉峽關者夏子創焉而
命之名也舊曰風門口在隆慮萬山之巔為兩河三
晉之界蓋天作之險也前此弗設守庸氓往往憑阻
以拒命吏廼即是關焉關成而系之以銘

漳義隘口在侯壁里兩山峭立中有石壑漳水經流人
繇壑厓行達河南昔名漳義關

馬踏隘口東北一百二十里豆口里萬山拱峙中有小徑路通河南涉縣一名馬踏關 豆口里東北九十里寶建德始居於此去三十里有隘口曰馬踏

龍盤山西二十里有大小二嶺鳥道崎嶇嶺西尤險東傍羊山西臨陡澗

國朝康熙二十八年知縣杜之昂自大渠村西至龍盤山又西至羊井鋪修道廣六七尺築欄馬牆

獅子山西五十里東禪東里東平順西長治南壺關北

潞城

井腦一名穽腦明嘉靖七年巨盜陳卿據青羊山爲亂山西巡撫江潮常道先後討賊無功乃勅河南巡撫潘埏會勦埏謀於道曰賊負固守險難以陣合諸路夾攻出不意奪其險乃可擒也遂分五哨三路入募土人爲導首攻奪井腦賊悉衆爭險官軍奮擊大破之追奔至莎草嶺毀安陽諸巢山東副使牛鑾由潞城入破賊李莊泉其夕河南副使翟瓚搗卿巢卿敗

走瓚追卿樂莊山又追之神河再敗之山西僉事陳
大綱亦屢憾賊先後降二千三百餘人自進兵至搜
滅賊巢凡二十九日

青羊里在青羊山下 耽車里北六十里路險不能行
車 石城里北八十里周圍皆石山 東禪里西北
五十里 留村里在縣北相傳魏豹兵至村人迎之
令無搶掠云 侯壁里北六十里山多壁立

附錄

張應登林縣險要圖說此林縣西山之險要也險隘處所均屬太行之支節其北繇百餘里而入有馬塔口虹梯口迤南則為蟻尖寨寨之南為魯班壑又南則有斷金橋風門口東峻坂崔八口關牆嶺距邑七十餘里而上總之南北相連人跡可及其險而當守者首蟻尖寨次斷金橋其餘則崎嶇樵徑車不得方軌馬不得成行上下為難無容慮矣何者蟻尖寨西北距縣四十里繇姚村迤西五

六里為東寨門口上有黃蒼巖等泉十處中有古
營房教場其南繇小蟻尖寨大蟻尖寨古巖口東
蓋頭泉小臨清水泉至西蓋頭泉距營房約二十
五里餘獨有巖口東西蓋頭泉各有樵徑可攀援
而上宜剝削之以絕蹊徑又自教場北繇朱路巖
之斷頭巖距營房約十里餘而朱路巖亦有樵徑
宜剝削其北柳樹水泉百戶水泉磴臼焦水泉俱
營房正西山西漆樹溝水泉南樹柳水泉蓮花水

泉俱大蟻尖山後西面凡水泉皆可資軍用斷頭
巖至西蓋頭泉南北三十五里東寨門至寨西後
溝東西闊十五里總周八十里而多西寨後溝有
通山西蹊徑已經堵截往來而法久令廢幾成大
路乃今剗削止留一面上下便於防守足矣其斷
金橋去縣西南五十里繇桃園店西上有水泉一
道與山西平順縣接界險峻一橋可渡一人倘一
夫當關真萬人之莫敵東西咽喉行者絡繹至蟻

尖寨下險上平水泉數十可屯萬軍曹魏高齊倉
屯瓦礫猶有可辨自古防之矣

汾州府

汾陽縣

向陽關西三十里有向陽堡在山上向陽水出其下元
文宗時令穿塹壘石以為固調丁壯守之 向陽寨
金鎖關在城西三十五里土人名為向陽峽巖險插
天中斷如闢延袤三十餘里為汾石咽喉漢晉皆置

關守之明洪武初設巡檢司尋罷 向陽水城西三

十里

一名懸泉

出金鎖關峽流經澗河

今漸枯澗

合壺溪

即馬

跑泉源出白彪山麓通名胡蘆谷

東南入汾

明隆慶元年九月俺

答軍自向陽峽入介休 崇禎四年形滿川上天龍

據吳城向陽以窺汾州

黃蘆嶺西六十里永寧界通陝沿邊往來之路明宣德
四年設巡檢司後署毀僦居城內

國朝雍正七年巡撫覺羅石麟巡察宋筠會議以黃蘆

嶺地險要復移巡檢司於黃蘆嶺 通典西河郡西
北到樓煩郡中有界相隔山谷險隘 魏武定二年
齊獻武王襲山胡分為二道以斛律金為南道軍司
由黃蘆嶺出獻武自出北道度赤硤嶺會金於烏突
戍合擊破之 齊文宣帝天保三年幸離石遂至黃
蘆起長城北至社干戍四百餘里立三十六戍 通
鑑註此長城蓋起唐石州北抵武州之境

鑒谷代公猗盧將遣十萬騎從西河出鑒谷南出晉軍

從蒲坂東度會於平陽事不果行鑒谷即黃蘆嶺道也

東馬寨 西馬寨 暮莊寨 三泉寨 張多寨 趙

村寨 靳家寨 文侯村寨 尚文村寨 鞏村寨

成家莊寨 劉家莊寨 坡頭寨 南源寨 安

家莊寨 湘子垣寨 上金莊寨 宋家莊寨 羅

城寨 永安鎮 見喜村堡 裴家會 田同鎮

南堡

北堡 三泉鎮 陽城鎮 小相

東堡西堡

盡善

南堡北堡

義豐村 鹽務鎮 青堆鎮 人道村 望春堡

喬東堡 故顯堡 太平堡 大相堡 羅城堡

董寺堡 黑浮堡 仁岩堡 里仁堡 康家堡

西豐堡 孝臣堡 陽城堡 靳同堡 鞏村堡

三泉堡 任家堡 趙家堡 馬莊堡 中千堡

田村堡

平遙縣

普同關南五十里普同谷口東南抵綿上通沁源西抵

關子嶺南入岳陽東接太行北連汾晉明洪武五年
置巡檢司 普同關巡檢司後在洪善鎮今廢

上店鎮東南六十里至武鄉界五里至南關鎮十里

洪善鎮東北二十里至祁縣界五里 明嘉靖二十一

年七月俺答列營汾水東西大衆駐平遙介休間諸
將無敢乘險邀擊副總兵張世忠自侯城村起營躡
寇力戰自已至酉卒無援者中二矢墜馬死部將張
宣張成亦力戰死之

莫問屯 蘭村屯 西城屯俱在縣東北二十五里

杜村堡 侯冀堡 郝同堡 達蒲堡 趙壁山寨

西泉山寨

介休縣

雀鼠谷西南二十里 義棠鎮西二十五里又十里接

靈石縣桑平有義棠堡 五朝志永安有雀鼠谷

汾水由義棠鎮西南入雀鼠谷 唐地理志介休有

雀鼠谷有介山 通考有雀鼠谷及介子推祠 水

經汾水又南過平陶縣東文水從西來流注之又南
過寇爵津又南入河東界 注寇爵津汾津名也在
介休縣之西南俗謂之雀鼠谷數十里間道隘水左
右悉結偏梁閣道累石就路縈帶巖側或高一丈或
高六丈上戴山阜下臨絕澗俗謂之為魯般橋蓋通
古之津隘亦在今之地險也 周建德五年冬十月
癸亥周武帝至晉州遣齊王憲率精騎二萬守雀鼠
谷陳王純步騎二萬守千里徑鄭國公達奚震步騎

一萬守統軍川大將軍韓明步騎五千守齊子嶺鄆
氏公尹昇步騎五千守鐘鼓鎮涼城公辛韶步騎五
千守蒲津關柱國趙王招步騎一萬自華谷攻齊汾
州諸城柱國宇文盛步騎一萬守汾水關遣內史王
誼監六軍攻晉州城周主屯於汾曲是時諸軍並受
憲節度憲屯雀鼠谷純又守千里徑盛又守汾水關
南北全據雀鼠之險扼齊要害所以即拔洪洞永安
至壬申遂登晉州城 劉武周使黃子英數盜雀鼠

谷唐高祖遣右武衛大將軍姜寶誼擊之賊輕甲挑戰師接而三遁逐之伏發寶誼為賊執唐武德二年秋劉武周將宋金剛敗裴寂於介休進拔晉州秦王世民自龍門渡屯栢壁與金剛相持堅壁不出分兵汾隰潰其心腹三年春正月金剛攻絳州以糧盡引還屢戰屢敗追及於雀鼠谷一日八戰皆破之秦王塔在縣西南西斡屯南原上唐武德二年劉武周固守雀鼠谷秦王兵不得進遂登南原與之戰大

敗武周於此後人建塔以識之 假糧堆在縣南四

里唐太宗圍尉遲恭於此糧餉不繼負土為堆以糧覆之 金果園在縣南門外傳為唐太宗收尉遲恭

屯兵於此 助國聖母廟在縣西十里官道北俗傳

餅女饋太宗濁醪脫粟飯 拔戡泉在東北二十里

段同村相傳尉遲敬德一手拔單雄信棄戡處 溫

大雅起居注時有賊帥王漫天別黨衆逾數萬自號

歷山飛結營於太原之南境上黨西河京都道路斷

絕煬帝

大業

十三年勅帝為太原留守率王威等及河

東太原兵馬往討之於河西雀鼠谷與賊相遇賊衆
二萬餘人帝時所統步騎纔五六千而已威及三軍
咸有懼色帝笑曰此輩羣賊惟財是視頻恃再勝自
許萬全鬪力而取容未能克以智圖之事無不果須
臾賊陣齊來十許里間首尾相繼去帝漸近帝乃分
所將兵為二陣以羸兵居中多張幡幟盡以輜重繼
後從旌旗鼓角以為大陣又以麾下精兵數百騎分

置左右隊為小陣軍中莫識所為及戰帝遣王威領
大陣居前旌旗從賊衆遙看謂為帝所在乃帥精銳
競來赴威及見輜馱舍鞍爭取威怖落馬從者挽而
得脫帝引小陣左右二隊大呼而前夾射之賊衆大
亂因而縱擊所向摧陷斬級獲生不可勝數而餘賊
黨老幼男女數萬人並來降附

關子嶺關東南六十里路通沁源縣茂林峻嶺地僻人
稀明洪武五年設巡檢司轄弓兵三十名防汛天啟

五年裁

關門頽毀明史記事胡謚重修

關子嶺寨

鄆城泊

一名高澤

隋仁壽末楊素率步騎四萬趨太原漢王

諒使趙子開守高壁素擊走之諒大懼拒素於高澤屬天大雨諒欲旋師王頽諫曰楊素懸軍士馬疲敝王以銳卒親戎擊之其勢必舉願王必勿還也諒不從退守清源

南張堡即張南鎮在縣東四十里

龍頭寨

師屯寨

劉屯寨

胡龍寨

仙台寨

史

村寨

興地寨

東寨西寨

田堡

北張里南堡

大甫

村

甫堡

胡龍堡

石河南北堡

孫暢村南北堡

大宋曲東西堡

湛泉堡

羅王莊堡

孝義縣

溫泉鎮西九十里高唐山側南通吉縣北連寧鄉石州

置巡檢司二自高唐以南為南溫泉屬隰州高唐以

北為北溫泉屬孝義縣今名溫泉鎮高唐山縣西

九十里高七十餘丈溫泉高唐山側清澈見底嚴

寒不冰溫泉縣名取此

溫泉廢縣高唐山西元至

元三年廢縣置巡檢司今亦廢 舊唐志溫泉隋新

城縣武德二年分置溫泉縣仍置北溫州領溫泉新

城高唐三縣屬隰州總管府貞觀元年省北溫州及

新城高唐二縣以溫泉屬隰州 金志石州溫泉縣

貞祐四年五月改隸汾州有遠望山溫泉

白壁關西二十里唐尉遲恭守戍於此石上有痕若馬

蹄 白壁里 天復元年汴將朱友寧圍太原李嗣

昭夜擾之友寧引去周德威追之抵白壁關復收慈
隰汾三州宋建隆四年鄭州刺史孫延進絳州刺史
沈繼深通事舍人王睿等師出陰地以慈州刺史李
謙溥為先鋒會霍邑謙溥因晝攻取之策繼深等共
沮之延進不能用軍還出白壁關次谷口謙溥語諸
將曰王師深入敵境今既退兵彼必乘我諸君當備
之諸將不答謙溥獨令所部擐甲俄追騎果至延進
等倉皇走谷中獨謙溥麾兵拒之并人引退 袁繼

忠護隰州白壁關屯兵累入北漢境破三砦遂與都
巡檢郭進畧地忻代州是白壁關宋隸隰州也 六
壁府縣西八里六壁者縣所轄辛壁賈壁白壁許壁
柳壁并六壁為六也唐置以居府兵

板谷關西二十八里獨擔村漢文帝時置關守戍今存
址 板谷水出合板谷東流入元象泊

賈願谷西南三十里王才里元魏於此置驛一名驛馬
谷後兵亂遣賈願戍此

司馬堡東北十里 仁智村堡東北十里 西盤糧村
堡東十里 吳屯村堡南十里 南姚堡南二十里
仁道村堡西北四十里 高村堡西北三十里
六壁頭山寨西八十里四面陡崖崖上築牆 下堡
村寨西五十里東南北陡崖百丈西有高牆 山河
口山寨南北陡崖百尺西有高牆 兌九峪山寨西
南四十里四面陡崖百尺

臨縣

石門塢南六十里永寧州界 明隆慶元年九月俺答

繇石門入石州

郝塢山東一百六十里交城界

一箭嶺東北一百三十里靜樂界

兔兒坂鎮西八十里西至尅虎寨西北至第五堡

三交鎮東南五十里

西城明尹同臯重修西城記西城剷削壁立表以女牆

西門兩峰對峙

城倚鳳凰山山巔築城龜山在西南衆壑奔注如駛鳳凰

山南下為牛澗壩
山北下為牛澗

塞之勢莫能禦而不塞又明開以

瑕諸葛侯昇因山為涯因壑為河上跨以城環門其
下使兩山既聯而水復不闕基俱石砌罅俱石髓懸
窰欄馬種種周匝

鐘底寨 堡子峪 曲峪寨 開陽寨 店林莊 堡

子城 第八堡 白文鎮 克明鎮

石樓縣

永寧關西二十五里西臨黃河路通綏德州清澗縣明

洪武初置巡檢司後裁 明一統志關在永和縣西
一十五里 宋志石樓有上平永寧二砦 金志石
樓關二永寧上平 元祐七年以隰州之上平永寧
兩關俯逼西界以州為次邊 明崇禎六年十二月
秦賊盡入晉豫至數十萬而延綏賊首鑽天哨開山
斧據永寧關前阻山險下臨黃河負固數年不下延
綏巡撫陳奇瑜謀取之乃陽傳總制檄發兵簡衆七
千人抵延川潛師疾走入山賊不虞大兵至倉皇潰

逸焚其巢縱擊斬首千六百級二賊死分兵擊賊首
一座城斬之延綏盜悉平奇瑜威名著關陝

上平關西北九十里臨黃河岸路通綏德州明洪武十
三年置巡檢司今裁 唐志北有上平津

黃雲山東六十里南至牛心山與石樓山相連綿亘七
十餘里中有天開石洞生成關隘往來必由巖崎危
峻風氣寒冽炎暑常覺陰森設防兵 北至索駝村
東至鳳尾鎮皆路經黃雲綿亘三四十里 周士章

詩插天危峰鎖西北巉崎鳥道上下通

窟龍關東北六十里林深路僻東接孝義南連隰州北抵永寧寧鄉地當四境明洪武初置巡檢司後裁

周士章請設撥詳文黃雲山綿亘三十餘里林樹茂密地界於孝隰寧石之間中有窟龍關天成險隘萬壑莽蒼凡起解錢糧傳遞公文必由斯道而四外並無撥兵宜於關內界碑處所安撥兵十數名更番防守窟龍關東西後魏所謂嶺東嶺西也

管頭堡二十五里 解家堡三十里 華城堡七十里
南嶺堡六十里

永寧州

赤堅嶺

一名赤洪嶺

北一百八十里明洪武三年置巡檢司

今廢

赤堅嶺東接峪口西南接石門塢臨縣界

離石山在州治北二百里即赤堅嶺山前有離石水

郡邑名本此

北路赤堅堡

赤樹所

赤樹村二

百里

開府村二百五里

赤天里二百一十五里

十六國春秋西河美稷今離石左國城 離石東

漢南單于庭即左國城有離石水一名赤紅水通典
高歡大破爾朱兆於赤洪嶺蓋近此 後魏立離石
鎮 金離石縣有胡公山離石水

方山城北一百四十里孝文南都又北至河莊十里

方山在州北赤洪水源 方山城唐武德二年以縣

治方州三年州廢宋為方山縣元廢今城猶存 北

路方山堡一百五十里 方山縣金貞祐四年徙治

於積翠山有方山赤紅水 貞祐三年鎮西節度使

果爾嘉實倫言欲分石州兵五百權屯方山勦殺土

寇且備嵐州而同知富察和勒端拒而不發 明萬曆

二十五年巡撫魏允貞題方山乃三晉要害之地五

縣不接之所請復築城池建察院一府署一鎮守衙

一倉庫一

築城時掘太和八年縣印
一顯解布政司寄庫內

國朝雍正八年巡撫石麟 題請永寧州方山堡在州

治正北一百五十里舊設巡檢裁汰已久但永寧北

境遼遠叢山錯雜增設方山堡巡檢一員

孟門關西五十里隋置孟門關今為孟門南都唐

地理志貞觀二年定胡析置孟門縣七年省西有孟

門關孟門廢縣在石州西二十里通典隋置孟

門關其地險固元和志唐初分離石縣地置孟門

縣尋廢後復置定胡縣東至石州九十五里黃河去

縣西二百步孟門關在縣西一百步宋志石州舊

帶嵐石隰三州都巡檢使元豐五年置葭蘆吳堡二

砦隸州西置二砦沿邊都巡檢使遂令三州各帶沿邊都巡檢使

峪口村北六十里北至赤堅嶺東至骨脊山

骨脊山東北一百里交城界

廬山城北六十里晉并州刺史劉琨築以攻劉曜址尚存

塢堡口元致和元年九月穿塹壘石

黃河後河底渡西一百二十里軍鋪渡西北一百

里 黑蛇溝渡 青龍渡西一百二十里 官菜園

渡西南一百七里 青龍渡巡檢司在青龍鎮 黃

龍津在官菜園水勢甚平夜渡無虞 武經邊防嵐

石隰三州西北至黃河置城戍關渡河外入麟州扞

夏國界嘗合三州為一路又石州為治所置州兵遣

戍外又領番守捉一千六百二人

尖陽寨東五十里 四皓堡東六十里 吳城堡東南

八十里 李家灣堡南二十里 大高家溝堡南三

十里 寨東堡西五十里 穆村堡西七十里 薛
村堡西八十里 雙霧都堡東北二十里 神池堡
西北二十五里 大武鎮堡北四十里 石門堡
衛村堡北六十里 峪口堡北七十里 橫泉堡北
八十五里 津梁堡北一百一十五里 樹林堡北
一百六十里

寧鄉縣

雲齊嶺西四十里西瞰寧鄉關南瞰泉子關石樓營

黑嶺東七十里汾陽永寧寧鄉交界 縣志左蟠黑嶺

寧鄉關在縣西 呂履恒秋日寧鄉關有感詩秋山雁

度黃雲嶺古戍人歸白石村

泉子關西南四十里泉子山東連屏風山 泉關搯其

南當即泉子山關

黃河西經縣境去城一百五十里三交口渡西一百五

十里 明崇禎七年六月流賊自菜園溝渡河入寧

鄉又入大寧

青龍鎮西九十里 鋤溝鎮西九十里 三交鎮西一百五十里 暖泉鎮南九十里 朱家店北二十里 娑陀店南一百四十里



山西通志卷十